

OMUKWETU

Oshifo shOngerki onkwaevangeli paLuther yomOwambokavango / Die Tydskrif van die Evangeliese Lutherse Ovambokavango Kerk

No. 7

APILILI

1967

OMUWA OYE OMUSITA GWANDJE

Mark. 6: 30-37a

Uuyuni wongashingeyi ou udha omaupyakadhi niimpwiyu oyindji yi ili noyi ili ya kwata oomwenyo odhindji, oshoka shaa ngoka oku na elalakano lye. Nguka ta lalakanene shika nangwiyaka shiyaka. Niilalakanenwa ayihe mbika konyala oyomuuyuni mbyoka tayi hulu po. Miimpwiyu ya tya ngiika omalutu noomwenyo dha kwatwa komvulwe, oshoka shika tashi imbi nokuli aana yaKalunga okukala mevululuko lyashili omuusita wOmuwa gwetu Jesus Kristus. Aalongwa yaJesus wo ya kala momaupyakadhi ga tya ngaaka, sho ya tumwa okuuvitha evangeli ndyoka tali etele omuntu kehe evululuko lyashili nehupitho, shika tashi hololwa nawa kevangeli kutya, inaa mona evululuko. Pethimbo lyokulonga kwawo okunene inaa mona ompito okulya. Nando ethimbo lyawo lyokulya nokuvululukwa olya thikana. Okuya kwawo muuwike itaku sindi, oshoka oonzi itadhi vulu okukala owala dhaa na omusita. Onkee Jesus mokutala ongundu dhaantu okwe dhi uuvitile ohenda oshoka, oyo ya li po ya loloka komalutu nokoomwenyo ongaashi oonzi dhaa nomusita.

Ngashika a li a dhimbulula omvulwe yaalongwa noluhepo lwoongundu ndhiyaka dha li dha gongalele kuye, osho tuu ta dhimbulula nonena ayihe mbika mokukalamwenyo kwetu. Omusita nguka gwetu e tu uvitile ohenda omolwoomvulwe dhetu nuukokule wetu, sho twa puguma notwa yi kokule naye. Pamwe twa falwa kokule naye kiinima yuuyuni mbuka nokomayonagulo getu. Onkee ta igidha tati: "Galukeni ileni kungame one oonakwiiteka ndje, ongame nda hala oku mu panga okwiiteka kweni" na, "Ileni kungame one amuhe hamu longo nomwa lolokithwa ongame tandi mu pe evululuko."



Jesus a yumuka kuusi. Omuyengeli ote shi lombwele aakulukadhi pombila sho a ti: "Kemo muka, okwa yumuka! Oku nomwenyo nota longo iinyengandunge."

OMUKWETU

APILILI 1967

OSHIKHAHA SHAKALUNGA OTASHI MONIKA MONGERKI

Omumvo nguka sho gwa tameke, oshikaha shaKalunga sha monika kombada yongerki ycmOwambokavango. Petameko lyoskola yuusita numvo, twa mono nkene oshikaha she oshili kombanda yoskola nokwe yi tamekitha memweno noosa dhomulongwasita David Shetunjenga nosho wo nguka a si ngashingeyi Petrus Hamunjela.

Oshikaha shaKalunga twe shi mono ishewe numvo kombanda yOshinyanyangidho, sho a ithanapo omukuluntu gwOshinyanyangidho, omusamane Aarne Hartikainen. Kalunga a fa a gumu ngaaka kombanda yoshilonga shiinyolwa yuukriste mongerki ayihe. Opendji.nopamikalo o-dhindji oshikaha shaKalunga tashi monika, tashi uvika nenge tashi inenge. Otatu papudhulwa, tu kale twa tonata, ha miilonga yetu ashike ihe mokukalamwenyo nokupula ehalo lyOmuwa olini.

OVE INO KALA ELIMALIMA

Ope na omumenhu umwe a kala ombwiti mOvenduka. Okwa kala ha ti ina omutakumi he vati omuherero nomeembapila osho a shangifa.

Omumenhu ou okwa hangika komukifi, wa kala naye efimbo lile. Ovahakuli ove mu likonda ashike. Okwa kala vali onghwate modolongo. Oilumbu oya kendabala okuufana ovakwao, ndelene kave wetike kutya, oveli peni. Ava ve mu shi ova ti kutya, omunhu oo okwa dile kOmongwa kOputu.

Okwa vela fiyo a fya. Oinima yaye oye lihanifwa ashike. Ina vo nahe inava monapo sha. Ove ou u li ngaha, kotoka, ino kala elimalima.

TAA TALELEPO ETUMO KUKONGO

Ovaeangeliste vongerki yOwambokavango, ovo tava longo mOushimba, ova kala moshongalele shavo kuKongo. Elalakano olo okutalelapo oshilongatumo kwinya nokutala omapya. Eshi tava halakana kwinya otava i moshongalele shovafita mEngela nde opo tava ka shuna kOushimba.

NDATIPO MUORANJEMUND

Osondaha yeti-26 Febuluali 1967, opwa ningwa oshituthilangeko mongerki yaNorth Hostel muOranjemund.

Poshigalikaneno pwa thikama omusamane Pauli Laukkanen nguka a ningi elangeko, pamwe naayakuli ye tatekulu Khules gwegongalo lyaLüderitz naGerson Max.

Ongundu onene ya thinana nonkondo mongerki, nezimta ewanawa lyoohapu dhaKalunga lyuudhilile ongerki ayihe pamwe noondjimbo dhmahambeleso. Oonkondo nuupenda wopagulu wa zalekwa omusitagongalogwetu omutitatu muOranjemund, opo a yakulithe oonzi dhaJesus Kristus mombuga yaNamib popepi nomulonga gwaOranje.

Omata goohapu dhevangeli gandondele mookomboni kehe dhaC. D. M. mokuningilwa oohungi pamwe nomathano komusamane Raimo Holopainen, ngoka eende pamwe naayenda yetu yokOkahandja.

Oonte dhuuyelete woshilonga shevangeli dhu udhilile moomwenyo dhaakwanegongalo ayehe yaC. D. M. Onkene ya hala okutuma epandulohambelelo lyawo koshipala shaKalunga nokomuyakuli gwepangelongerki molwo oshilonga shika sha simana. Elangeko lyotango lyomusitagongalo muC. D. M. olya tamekwa omumvo 1963, onkene Kalunga ota tsikile iilonga ye mokwaamonika.

Waa pandula noyaka!

E. Pendapala Auala.

OMUNASKOLA OMUTIYALI AMANA ISHEWE OONDJENDA

Elaka lyoluhodhi:

Elaka lya zi ishewe kOtjimbingwe kutya, PETRUS HAMUNJELA, omunaskola yuusita mOtjimbingwe, a mana oondjenda 4/4/67 moshipangelo shaUsakcs.

Petrus oye omuNgenga. Oyo ya hupile moshiponga shoshihauto shoka sha kandomene aalongwasita mondjila yokuya kOtjimbingwe. Opa hokololwa kutya, pekandomo ndiyaka nani naye okwa tsuwa oshinkuvungila melakoshitenda. Okwa zi po a fa e li nawa, ihe konima sho ya tameke oskola, uuwehame wa holoka nokwa tandwa moshipangelo nosho shoka sha eta eso.

IINYOLWA YUUKRISTE MUIRAN

Ongerki yopakriste mulran otayi koko nawa nombili. Amushanga gwiiinyolwa yuukriste mulran, okwa nyolangeyi: "Iinyolwa yuukriste mulran oyo oshilongitho shimwe shivule ayihe mokuthikithila aakwashigwana shetu Kristus. Omathimbo gamwe nale otwe eende oondjila oonde nomakambambaniihauto, okufaalela aantu koombinga noombinga nkoka iinyolwa yuukriste ya pumbako, Kristus miinyolwa. Osho tatu gongele pomaha nomaha congundu dhaantu noku ya topelela iinyolwa noku ya uvithila oohapu. Onkene aakriste yetu oyendji oyo mboka ya etwa muukriste mokulongitha iinyolwa."

(Elundululo pa "Scripture Gift Mission.")




Mefano to mono omupangi Foibe Antonio ta panga aayelete kuKongo.

EENGHUNDANA DOMUKARIBIB

Hamushanga wOmukwetu okwa talelapo oshinyanyangido shomoKaribib. Oye novakulunhu venyanyangido toifo yomwamemengerki ova kundafana oilonga yoifo yeengerki edi nonghene omakwatafano nomalongelokumwe taa pumbiwa. Ova kundafana yo nghene ve nokulonga nokwame-na oinyolwa iha nyatekwe komadilo efimbo lopaife.

Omadiladilo oshoongalele shoinyolwa sheengerki edi okwa hololwa. Opa monika kutya, okuhaongala nokuhashakeneka itashi tungu nawa ekwatafano. Omushamane Baumann okwa tumbula: "Inatu dimbwafaneni nande oshe-shi otwa pumbwafana."



MuKaribib omu noskola yoshikunino ya denga pombada. Ounona vamo otava longwa nawa. Omu na oinima yokudanaukifa kounona, youkadona noyovamati. Omukulukadi Asnath Goabas oye omukulunhu woskola. Pevi aalongwa moskola yokombanda muKaribib.



Mefano eli omu na ovanyanyangidi veifo "IMMANUEL" na "EVANGELIESE INFORMASIE DIENS", muKaribib. Omukulunhu omuhongi Baumann, Ovashangi A. Eises, E. Kandovazu.

JUNI

- 1. Do. Luk.10:1-11. 1Mos.11:1-9.
- 2. V. Hes.3:22-27. 1Mos.12:1-9.
- 3. Sa. Jes.5:1-7. 1Mos.12:10-20.
- 4. S. **Os. 2 ya landula Uukwatatu.**
Ehiyo lyokuya moshilongo shaKalunga.
Hebr.12:1-4. Luk.14:25-33.
Hos.11:1-7.
- 5. M. Iil.6:1-7. 1Mos.13:1-13.
- 6. D. Omuuv.4:17-5:6. 1Mos.13:14-18.
- 7. W. Mat.11:25-30. 1Mos.14:1-16.
- 8. Do. Luk.14:12-15. 1Mos.14:17-24.
- 9. V. 1Kor.1:20-25. 1Mos.15.
- 10. Sa. Jak.2:1-9. 1Mos.16.
- 11. S. **Os. 3 ya landula Uukwatatu.**
Esilohenda lyaKalunga tali tetekele.
Rom.4:1-8. Luk.15:11-32.
Hes.18:29-32.
- 12. M. Mark.2:1-12. 1Mos.17:1-9.
- 13. D. Aatok.10:6-16. 1Mos.18:1-15.
- 14. W. Mark.2:13-17. 1Mos.18:16-33.
- 15. Do. Rom.4:1-8. 1Mos.19:12-29.
- 16. V. Rom.5:1-5. 1Mos.21:1-21.
- 17. Sa. 1Joh.2:1-6. 1Mos.22:1-19.
- 18. S. **Os. 4 ya landula Uukwatatu.**
Uuyuuki nesilohenda.
Rom.2:1-11. Joh.8:1-11.
Mika 6:8.
- 19. M. Joh.8:1-11. Rom.1:1-7.
- 20. D. 2Kor.2:5-11. Rom.1:8-17.
- 21. W. Mat.5:43-48. Rom.1:18-32.
- 22. Do. Mat.18:15-20. Rom.2:1-16.
- 23. V. Rom.15:1-7. Rom.2:17-29.
- 24. Sa. Luk.1:57-80. Eps.19:2-10.
- 25. S. **Os. 5 ya landula Uukwatatu.**
Oshilonga shomulongwa.
1Kor.2:1-5;3:5-6,21-23. Joh.1:45-51.
Jer.20:7-9.
- 26. M. Luk.9:57-62. Rom.3:1-26.
- 27. D. 1Aak.19:15-21. Rom.3:27-31.
- 28. W. Luk.9:51:57. Rom.4:1-8.
- 29. Do. 2Tim.4:1-5. Rom.4:9-25.
- 30. V. Luk.9:18-26. Rom.5:1-11.

OKWIIMBA MELO-NGELOKALUNGA

I. EFALEMO. Oshilonga shomaimbilo melongelokulunga

Mokwiimba omaimbilo eongalo la ongala alishe li na omhito okulitula meudifo leendjovo daKalunga ngaashi omukriste keshe oye omupilisteli ile omufita (algemene geestelike priester-skap) pashasho laye. Olwiimbo leongalo talu di kOmhepo, 1Kor. 12: 4-11, 1Kor 14: 26. Olo yo tali tungu eongalo shi fike pamwe nehongo nouxunganeki (wovaudifi). Molwiimbo leongalo oilyo yalo itava indile nokuhambelela koshipala shaKalunga ashike, ahowe, have liudifa nokupukululafana nokukumaidafana nokuhekelekafana.

Unene ongerki onghwaevangeli oyo ongerki tai imbi. Olwiimbo layo melongelokalunga oli neembinga dihapu molwashi odo tadi imbwa keongalo lovene, ha komufita ile kongudu yovaimbi (ngaashi mongerki yopakatalika noyovaAnglikana ngeno).

Olwiimbo lelongelokalunga olo onghedi ikululela, efyuululo lelongelo

lovaJuda motembeli yavo. Embo lomapsalme olo embo lomaimbilo lotetete lovakriste votete. Metestamendi lipe tu na eendombwedi dihapu tadi tu hokololelele, nghe omapsalme nomaimbilo a diininwa mongerki yotete. Efes. 5: 19, Kol. 3: 16, 1Kol. 14: 26, Jak. 5: 13 noshotuu.

Luther mokuyelifa eitavelo letu noukriste wetu, okwa longa shihapu molwiimbo yo. Oshimati shinene shi dule ikwao mokuyelifa oliturgia, osho okupitika vali eongalo lovene li "udife" nomaimbilo alo. Palongo leylifolongo olwiimbo leongalo melongelokalunga li na oshilonga sha fimana tashi pumbiwa shili.

II. Eimbilo lehovelo

Eimbilo eli lotete tali holola elaka loSondaha ngenge tashi dulika. Oshilonga sheimbilo eli osho okukwafa eongalo li koneke nawa: Twa ongala okushakena mOmwene, onghetwa hala okuuda 'ondaka yaye. Ponehele ei tamu longifwa omaimbilo ootaa popi (i) oukumwe weongalo, (ii) eendjovo daKalunga (iii) eifanonghenda lOmwene. Meimbilo eli mu na yo luhapu edimba leilikano.

III. Eimbilo lehambelelo

Mokufimaneka efimano noukwatatu waKalunga eongalo tali fikama. Konima EFIMANO eli olo enyamukulo leongalo kefilonghenda lipe memangululo. Eongalo tali twikile natango tali hambelele Kalunga katatukamwe neimbilo lalo.

Ehambelelo eshi la hovela mefimano nokuli onawa okulongifa apa eimbilo lixupi ile ovelishe imwe aike ngeno oyo tai popi Kalunga Xe nOmona nOmhepo Iyapuki. Tashi dulika nga okwiimba nande eimbilo alishe nge lixupi, ngaashi 119, ndelene ovelishe imwe oiwa unene, okwiimbiwa, ngaashi 125: 3.

IV. Eimbilo lakollehta ile eimbilo

lepistoli tali imbwa otekisti yoshiilikaneno eshi ya leshwa tete. Eimbilo eli li li komesho yomaimbilo aeshe amwe, onghelile neenghono li dule amwe aeshe moule. Tali holola oukwatya wOsondaha. Tali mangele kumwe evangeli nepistoli, apa tashi dulika. Mokukonga omaimbilo elongelokalunga unene eli nali kongwe noudiini. Eimbilo lepistoli la fa enyamukulo leongalo eshi la pwilikina tete, motekisti, oilonga inene yaKalunga tai pendula olupandu meongalo.

V. Eimbilo leudifo


Omu hatu indile ekwafo lOmhepo Iyapuki okuuda nokupungula nawa eendjovo daKalunga. Meudifo elaka lomeulu eshi tali kwatele mepopifo lomunhu osho oshikumwifalonga. Osho tuu osho tashi indilwa meimbilo eli, 2Kor. 4: 7. Eimbilo eli tali findikile yo omufita ta i koshiudifilo. (Mowambo eimbilo eli olile molwaa-shi ovanhu va tokelwa tava yeululiwa mo). Tetetete eimbilo eli la kala lixupielela, okafudo komwenyo ka tuminwa Omhepo Iyapuki. Oshilonga shimwe sheimbilo leudifo, osho okukwatakanifa eh paululo leitavelo leongalo neendjovo tadi udi-fwa. Luhapu okora tai tete nai eshikulafano eli. Onhele iwa yokora i li konima yepistoli.

Eimbilo lehambelelo mOkambo-ngerki No: 16, hali imbwa unene omafiku oivilo, olixupi notali eta naana natango elaka leudifo ngaashi enyamukulo leongalo, oshihako shalo: Oshili, osho hatu li itavele. Momao-ngalo mahapu itali diininwa vali.

VI. Eimbilo leilikano

Eimbilo eli olongalo, 1Kor. 16:2 2Kor. 8: 2-5. Eongalo tali pewa diva omhito yokuhepaulula nomikalo dallo olupandu lalo molweeshali ledi pewa meudifo. Nali kwatakane neudifo.

EONGALO LOMOTAVI



Mefano eli ohatu mono eongalo lomOtavi. Omuevangeliste womOtavi tate F. Nghihlua, ta laula komesho, ota pandula oupenda wovakriste mOtavi. Ova hala okulongela Omwene wavo, ou e va fila nokwe va nyumukila.

EKAMBAMBA OLYA GWILE MOMULONGA

Durban. - Omukiintu omuludhe okwa si naantu 15 ye ehamekwa, ekambamba moka ya li sho lya guko kondjila etali gwile momulonga Uhmlatuzana. Olya gu puule oofute 50.

UUVU WEPUNGA TAU KONDJITHWA

Walvisbaai. - Mokukondjitha uuvu wepunga, epangelo lyuukolele (Gesondheidsdepartement) muWalvisbaai olya wendele aatiligane 145 noombatili 189 nomuti gokukelela uuvu mbuka. MuApilili aaluudhe yaWalvisbaai otaa wendwa wo.

Kwa hokololwa kutya, uuvu wepunga omo uli maantu yomuWalvisbaai ngaashi wo maantu yopomahala galwe, ihe epangelo itali mwena oku kondjitha.

TU LONGELENI KUMWE OSHESHI:

OUKUMWE U NEENGHONO

Mounyuni wonena ovakriste ve nehalo lokukonga oukumwe. Ovakriste ve noudjuu wokulikalela nowokuholafana. Odjuulufi yomeni oyo odjuulufi youkumwe. Ontahangano ovakriste otaa totwa nekwatafafano lipe notali monika pokati keengerki nopokati kovakriste mounyuni aushe. Ovo inave lidimina nale ova mora paife omesho mape. Ongongahangano yovakwaLuther nehangano lovakriste aveshe mounyuni otali shiivika kovakriste mongerki yetu. Osho yo ehanganano lipe lovakwaLuther muSud A-

frika (FELSA). Ekwafafano noukumwe weengerki dovakwaLuther domuSuidwes Afrika wa kola nokuli. Oukumwe ou otai eta yo oshinima shinene shi nedilo, osho ekwafafano. Oukumwe rekwafafano, oinima ei ivali otai kala alushe kumwe. Ekwafafano noukumwe ngenge la monika nena ekwafafano otali monika yo. Osho oshinima twe shi koneka mongerki ei yetu yo.

Jesus Kristus okwa ilikanena ovalongwa vaye, opo va kale vamwe ve ncukaume. Oukumwe wovalongwa vaKristus otai pumbiwa nonena unene. Hasho ngaha kutya, ope na

oukumwe wovawiliki vetu aveke, ahawe, ndele pe nokukala oukumwe wovakriste aveshe. Ovakriste votete ova kala ve noukumwe meilikano nomokufila oshisho eemhumbwe dovakriste aveshe nokukala peendjovo daKalunga. Ova hokwa okukala melongelokalunga nomokukala kwavo akushe. Ohatu shiiva nokuli kutya, omunhu umwe ta tila okweenda momufitu mu noifitukuti. Ndele ngenge ope na ongudu yovanhu, vatatu ile vahapu etilo kali po. Eenghoshi eendjamba otadi faduka po, komesho yongudu. Osho omukriste umwe e nomaudjuu ngenge oye aeke ta yapuka ondjila diva nde ta wile momalambo eli li nokuli li. Ovakriste ngenge va kwatafana nde tave likwafa ve noukumwe oiponga oyo itai kamonika. Oukumwe u neenghono ohatu u pumbwa.


Ovanashilonga vongerki aveshe otava pumbwa okulongela Kristus movashiinda nomovaneumbo. Ovanashilonga otava kala komesho yovakriste. Aveshe otave va talele. Eendjovo davo, oilonga yavo nokukalamwenyo kwavo nokukalamwenyo kwovaneumbo vavo otaku talwa. Ovo oshihopaelelwa shovakriste. Eedimbo nomaludilo noipupulu noukolwe no-shotuu tau tandavele mokati kovakriste aveshe ngenge tau monika movayakuli vongerki. Ovanashilonga ova pewa oshitukulwa shinene shi nondilo. Ohatu shi longifa ngahelipi? Oukumwe wovanashilonga mongerki otai koleke ongerki nokukala kwovakriste ndele unene okukala kwavo unene yo. Inamu efa omukriste a kale oye aeke! Inamu efa omunashilonga a kale oye aeke! Tu kaleni tu noukumwe. Oukumwe otai tungu eongalo laKristus mounyuni ou. Ongerki ngenge i noukumwe wovanashilonga novakriste otai ka ninga odombwedi yaKristus mounyuni ou. Oukumwe wovakriste otai kwafa onyuni okwiitavela Kristus.

Nomadiladilo oo oukumwe nda hala okukundila po ovakriste aveshe novanashilonga vongerki ei yOwambokavango. Tu kaleni tu nehalo okwiindila Tate Kalunga e tu pe Omhepo yaye nepuniko laye moshilonga eshi tu li nasho nomokukala kwetu akushe.

Toivo Pentikainen.



Aapangi ishewe: Okuza kolumoho oyo Fiina Nango!o, Aini Nakamhela, Saara David, Rauha Hitula nallenimo Hangula.



Meme Rauna Luaanda, omulongi omukulu miilonga yoshinyanyangidho, okwa dhana ohango ye eti 4Malitsa 1967. Oyo nomusamane gwe Mikael Wilhem, otatu ya halele egumbo lyelago.

OSHIPONGA SHOSHIHAUTO MONDJILA YOKOTJIMBINGWE

Gumwe gwaanasi kola mboka ya hupu moshiponga shoshihauto mondjila yokotjimbingwe, ota hokolola naanaa ngeyi:

Esiku eti-3 lyaMalitsa 1967 otse aalongwasita yongerki ya **ELOK** twa thikama mOniipa noshihauto oshinene (Bedford) shootona ntano, opo tu ye kOtjimbingwe tu ka tameke oskola yetu. Oshihauto osha li sha humbata oomwenyo 36, aamati, aasamane, aakulukadhi naanona nuuhanona. Ondjila oya li odhigu, oshoka omvula oya li tayi loko, konyala ethimbo alihe sigo okuthika muTsumeb moka twa lala. Ongula yeti-4 lyaMalitsa twa tsikile ondjila yetu sigo okOtjiwarongo. Natango tuu okuza muTsumeb sigo Otjiwarongo omvula oya li tayi loko. Okuza mOtjiwarongo otwa yi nondjila yimwe yuuka kuuninginino notayi ukilile Kalkveld, opo yi ye kOmaruru. Ndjika oya li y' nomuthenu noonkondo, oshoka kaya li ya kolongwa noteya, onkee omuhingi gwetu, omusamane Benjamin Makambuli a dhiladhila tu shune kOtjiwarongo, opo tu ka ye nondjila yoteya sigo okOkahandja, tse tu ka zeko nonkwawo yoteya sigo Karibib. Osho twa ningi. Ihe pokati kOtjiwarongo nOkahandja omuhingi okwa mono po ondjila yimwe ya za mu ndjika yoteya notayi ukilile Omaruru. Omuhingi okwa dhiladhila kutya, ondjila ndjika oyo ofupi, nomolwasho ya li ombwanawa momoho noyu ukilila nando inayi kolongwa noteya, otwa yi nondjila ndjika, oya tameke okuninga omuthenu. Ongepathimo lyeho oshihauto sha thenunuka nosha kandoma, ano sha lala ongali omagulu agehe gane ga tala mombanda. "Kalunga ketu! Kalunga ketu! Jesus gwetu ou li peni!" Osho omawi nomakemo gi ili nogi ili ga uvika. Omulongwasita gumwe, kuume ketu David Shetunjenga gwokUukwaluudhi, a mana oondjenda pokathimbo tuu hoka. Mboka twa li inaatu ehamekwa unene twa kambadhala okuza mo noku kwatha okuhila mo uunona uushona naamboka ya li ya ehamekwa. Otwa li kokule niilando onkee inatu mona ekwatho mbala. Omvula oya li tayi nyaganya nuutalala wa geye. Otwa li tu nokutegelela ethimbo ele noku siikila aavu yetu naanona.

Pwa ende omutiligane gumwe ngoka a dhenge ongodhi pofaalama yimwe a lombwele aapolisi yokOkahandja. Aapolisi oye tu adha lya toka lela noya kutha po omudhimba naanuwehame,



Nakusa D. Shetunjenga

oku ya fala koshipangelo kOvenduka. Oya galuka ishewe noya kuthapo aakulukadhi naanona noye ya fala kopolisiestasi kOkahandja. Ongulohi lela omusitagongalo gumwe omutakumi gwomOkahandja omusamane Elifas Eiseb, a li nale omulongi muPaulinum, okwe tu ile ko noshihauto she nokwetu fala kopolisiestasi. Oko ihe twa lala hoka.

Ongula yosoondaha eti - 5 lyaMalitsa, aalongi yetu ye ya omusamane Seppo Löytti naUrho Poikolainen naArbertus Maasdorp. Naalongwa yaali, oye ya ye tu ile ko tu ye kuPaulinum. Omudhimba gwatate David gwa longekidhilwa wo oshiketha nongwe etwa kuPaulinum.

Ongula yomaandaha eti - 6 lyaMalitsa olya li esiku lyetameko lyootundi dhetu, ihe Kalunga okwetu longekidhile etameko komaendo gomOtjimbingwe, hoka twa thindikile kuume ketu David. Okwa li ku udha noonkondo. Oshiketha shomudhimba sha falwa ko tango pomweelo gwolugumbo lwomayendo, nongundu yomankuma ya hiki omaimbilo mpoka pomweelo manga iihauto tayi eta aantu. Aantu sho ya gongala, oya imbi eimbilo limwe nokweenda kashona ya landula aahumbati yomudhimba nokuuka kombila. Aakadhona yoskola yokukonakona Ombimbeli (Bybelskool) oya imbi eimbilo opo, ihe omusamane Seppo Löytti a lesa mEhololo 7: 15-17 nokwa fatulula nkene nakusa gwetu wo a taambwa meyakulo, mongundu yaamboka taa yakula Kalunga omutenya nuusiku nonkene atuhe tatu tegelele okuya ko wo, hoka kaatu na w enota nenge ondjala nuuvu.

Omusamane Urho Poikolainen okwa lesa Kaaroma 8: 38-39, nokwa fatulula wo kutya, eso olyo esindano. Ngele tatu zimbuka muuyuni muka,

nena twa mana ekondjo lyetu, otatu yi ihe muukwaaluhe.

Omusamane Arbertus Maasdorp a lesa wo Eps. 39: 10 "**ONGAME NDA MWENA, ITE MAKULA OKANA KANDJE, OSHOKA ONGOYE MWENE WE SHI NINGI.**"

Ombila sho ya yapulwa, aahiki yomankuma oya hiki manga tayi filwa. Aalongwasita atuhe aawambo mboka twa hupu moshiponga otwa imbi mehanganano eimbilo 627. Opo ihe aantu ayehe ya imbi kumwe eimbilo limwe membo lyoshimbulu (Jubilate) ndyoka hali longithwa muPaulinum. Omankuma ga hikwa wo pehulilo ombila sho ya pu okufila.

Kalunga okwe tu pe ngaaka etameko lyoskola lya mwena, moka tatu pewa eyamukulo, sho kehe gumwe ta dhimbulula egameno lyaKalunga sho twa gamenwa oyendji: "Kalunga opo e li."

Kuume ketu David Shetunjenga okwa kala omulumentu omunambili nependa okudhiginina eithano lye. Otatu halele meme Taimi omukulukadhi gwakuume ketu nolualo lwe ehekeleko ta li zi kuJesus.

"ONDA MWENA ITANDI MAKULA OKANA KANDJE, OSHOKA ONGOYE MWENE WE SHI NINGI."

Gumwe gwaamboka ya hupu moshiponga, Heikki Uushona.



Nguka omumati omuyelele kuKongo. Tu ya galikaneneni.

OUNYUNI OTAU TONGO SHIKE

7

18 VA FYA MOSHIPO-NGA SHODILA

New ORLEANS. - Konima eshi odila inene ye lidenga mohotela novanhu 18 va fya, opa monika oukadona ounafikola 9 vafila mokalikoshelo. Ovali va ka hondamamo eshi odila ye lingwadjula mongulu yohotela.

Odila oya tuka mokapale keedila. Fimbo inai yeluka mokule, oye lidenga meenduda domaumbo avali fiyo ya mbolokotela mohotela nde tai topa. Ovanhu ava vahangwa mohotela, vamwe va fya vamwe va lemanekwa. Eengulo dohotela da mbonyau-nwa nomundilo owa kala waxwama.

OKADILA KOMUSOOMI

Walvisbaai. - Okadila kanini, ka kwatwa kounona vavali ounafikola pomunghulo wefuta, oke nokalinga kokuulu. Okalinga oka ulika kutya, oka tulwa ko muFinland. Osha ulika kutya, oudila yo ovo vanini oveli momatembu opaushitwe nde hava i kokulelela. Okapapa keli kokadila oka nyolwa "A 281366, Muzshki, Finland."

ELIPANGELO NEMANGULUKO LYA FANEKFLWA SWAZILAND

Oshitopolwa shahuginina shaBritanje muAfrika, Swaziland, osha fane-kwa shi mone eipangelo mbala, ngele kwa ningwa ehogololo lyiilyopangelo omwedhi taguya. Emanguluko lyolyene koho yomukwaniilwa Zobhuza II, lyafanekwa likaleko 1969, ihe yamwe ya hala shi endebele.

OVAWAWBO OVO VAHAPU MUSUID-WES ALISHE

Ovawambo ovo vahapu vedule ovanhu aveshe veli muSuidwes. Kave li kombinga imwe unene muSuidwes, ahowe, ove lihanena yo' naSuidwes alishe nopondje. Omuvalu wavo paife ou fike po 240,000.

Pamavalulo omivalu depangelo 1960, omivalu douhapu womaludi ovanhu muSuidwes odi li ngaha: Ovatilyane 74,000, ovaDamara 44,353, ovaHerero 35,354, ovaNama 34,806, ovaKavango 27,871, ovaOos-Capriviane 15,840, ovaKleuringe 12,708, ovaBoesman 11,762, ovaBastera 11,257, ovaTswana navamwe 9,992, novaKao-ko 9,234.

S. AFRIKA OKWA SHAINA EUDAFANO LOKULANDAFANA NAMA-LAWI

Eudafano lokulandafana pokati kaSuid-Afrika naMalawi, ola shainwa omafiku a djako muKaaapstad. Ova-shaini ovo omuministeli woinima yomaliko waSuid-Afrika vo nomuministeli woilandifwa neengeshefa waMalawi omushamane Jerimi Kumbweza.

Kumbweza pamwe navakwao vavali ova dja muMalawi nde va talelalo Suid-Afrika omafiku a djako. Ova kundafana yo nomushamane Vorster nde va udafana elongelokumwe laMalwi naSuid-Afrika moimima yoi-landifomwa.

AALUUDHE TAA PITIKWA OKUNWA

Oshakati. - Omuministeli gwEpangelo lyaaluudhe nEhumokomeho lya-wo, omusamane M. C. Both, oku uvithile omalenga naakwaniilwa yomOwambo kutya: Epangelo otali ka gandja mbala oveta, opo aaluudhe yaSuidwes ya mone emanguluko lyiiku-nwa, pamukalo ngaashi moRepublika.

Euvitho okwe li ningi moshigongi shomalenga kOshakati. Osha zi mpoka sho omalenga gamwe ga indile ya pitikilwe okunwa nemanguluko.

UUVU WOONGOMBE

Omolu omvula ondhigu ya loko mOwambo nuumvo, epangelo lyaS.W.A. olya nyengwa okukeelela uuvu mbuka. Osha konekwa ngaaka kutya, uuvu ou li kUuzilo nokUumbangalantu wOndangwa. Ina pu tokolwa nantango opethimbo lini ekwatho tali ka gandjwa, sho okufu ku li popepi. Patengenekwa kutya, uutalala ngele tau ya, ngiika uuvu tau ka kala ihwepo.

MUushimba ishewe mwa holo-ka omukithi, gu li moonzi dhoombulu. Ogwa li oonzi puWitvlei.

OMUPRESIDENTE SWART

Kaaapstad. - Omupresidente C. R. Swart, momafiku 16 aMai, ota ka ninga eudifolekelo laye koshiwana molupale lomoshilando Parow.

Okwa hokololwa yo kutya, omupresidente mupe, dr. T. E. Dönges, eti 31Mai omo ta yapulilwa moshilonga shaye. Tashi ningilwa mongerki yomuKaaapstad. Okwa fanekwa yo kutya, omupanguli omukulunhu omushamane L. G. Steyn, oye te mu yapulile oshilonga.

EWI

LYEVANGELI

MORADIO

ometa 31

otundi 8. 30. onguloshi

16. 4. 1967.

Okulesha okambo: "Omona wohamba."

Okahistoli komufita Paulus Nailenge
Oandaha omufita Paulus Nailenge

23. 4. 1967

Okulesha okambo: "Omona wohamba."
Oandaha: omufita Herdrik Dengeinge

OSHOONGALELE SHOFAVITA

Efiku eti- 18-21 Apilili, mEngela mOukwanyama otamu ningwa oshoongalele shovafita aveshe vongerki yomOwambokavango.

Ovakriste otava teelwa va ilikane-ene ovafitaongalo vongerki yavo neenghudafana ndi tunge ongerki.

ODULA YOSHIKUNGULU MUINDIA NEDU LA KAKAMA

Ovanhu vedule 50 ova fya novahapu vedule 500 ova ehamekwa, eshi omaumbo avo a nyonaunwa po kodula yoshikungulu. Eshi osha ningwa mulndia.

Okwa hokololwa kutya, omaumbo 600 neenhele oda nyonwa, eshi odula yoshikungulu ya loka eetundi 36 naashishe osha kungululwa.

Oshilando Peshaware osha yada omeva onhata. Eedila doumupepo neetulupa dovanhu oda kala tadi kwafa ovo va kondekelwa puukololo.

MuMoskou mwa dja eenghunda-na kutya: Ekakamo ledu ola ningwa vali moshilando Tashkent. Paife ekakamo ola holoka luhapu ponhele oyo.

OMUSHAMANE VAN VUUREN NOMALAKA OVALAULE

Omushamane W. J. Van Vuuren, omukulunhu wombelewa yomalaka mOvenduka okudja 1964, okwa shiivifilwa kutya, oilonga yaye mokunongonona omalaka ovalaule monghatu yaM. A, unene ortografie nomipopilo domalaka Oshindonga nOshikwanyama, oya enda nawa nde ota ka pewa muApilili ondodo M. A. moUniversiteit yaPotchefstroom. Eli olo eehenokomesho nde tali pandulwa. Opa tengenekwa yo kutya, omushamane Van Vuuren pamwe ota ka mona komesho onghatu youndokotola nokuli momalaka aa.



OSHIGONGI SHAAGUNDJUKA MUWALVISBAAI SHA KOKO

Oshigongi shetu momumvo 1966, sha koko. Otwa yalula membo lyomadhina otu li kumwe 192, aalumentu 163 naakiintu 29. Oshigongi osha kala sha hwama mokutsakanitha iinakugwanithwa yasho. Oondjimbo otadhi imbwa nawa noshi nelalakano okutalelapo mboka ye li moshipangelo, okuya imbila nokuya popitha noohapu dhaKalunga. Ohatu talelepo wo aashiinda yetu

OSHIMPWIYU SHEHUPITHO


Omuntu mokushitwa kwe oku na oombinga mbali, omwenyo nolutu. Oombinga ndhoka adhihe mbali otadhi pumbwa okupaluthwa nokuhupithwa. Omuwa Jesus okwe tu longele ehupitho lyoomwenyo dhetu dhaa kane we nando. Ihe yamwe yomutse oyendji kaye na uutende noomwenyo dhawo ngele tadhi ka kana, sigo aluhe.

Otu na uupu noonkondo okupalutha omalutu getu omaholike. Eeno, oshuuka noshoopala okupalutha olutu, oshoka olwo ontempeli yetu twe yi pewa omagano. Ihe ongiini kuume kombinga yomwenyo gwoye? Ogwa tongwa nayi shili owe gu ihepekele unake nongiini? Konga ekwatho niipalutha ya gwana muJesus. Iikulya yomwenyo oyo Jesus mwene noohapu dhe e dhi tu pa omagano. Jesus ota ti: "Ongame oshikwiila shomwenyo ngoka ta li oshikwiila shika ota kala e nomwenyo gwaaluhe." Iikwiila yashili otatu yi pewa meitaalo, oshoka Jesus okwe tu ningilwa uunongo nuuyuki nuuyapuki nekulilo lya gwana lya pwa. Ngele tatu taamba Jesus, nena otwa pewa wo iikulya yashili muye. One aamwameme aaholike, tu kondjeleni ehupitho lyoomwenyo dhetu. Moondjenda nomiilonga yetu, oohapu dhOmuwa nadhi kale dhi li mutse. Ombimbeli tu yi leshe noku yi konakona nawa, tse tupule ekwatho lyOmbepo Ondjapuki e tu kwathe moohapu tatu dhi leshe. Tu ende notu kale pamwe naJesus tse tu yogithe oomwenyo dhetu mombinzi yOmukulili gwetu.

Tu sindeni iimpwiyu yuuyuni ayihe tse tu impwiwike nehupitho lyoomwenyo dhetu dhi na ondilo. Tu se wo oshimpwiyu tu galikanene aamwameme meitaalo. Tu kale ihe aantu yOmuwa tuiilongekidha aluhe.

muSwakopmund. Twa talelepo wo aakulupe mosondaha yimwe notwangingi oohungi odhindji.


Omugundjuka oto opaleke ngiini ondjila ye yi kale ya yela? Ongele ti iyutha koothapu dhOmuwa. Ano omugundjuka ngoka inoo mona ompito yokwiinyolitha momambo giigongi yaagundjuka, mUushimba nenge mOwambo, shi ninga mbala momumvo 1967, u mone ompito ombwanawa manga pu na ethimbo.



Johannes Aktofel

ILANDELENI OMATEMBA GA GEBR DIEKMAN PONDANGWA

1/2 Ton, kumwe nondjila R224, £112.



Omulandithi: N. P. Jacob, Box 7, Ondangwa,

EPANDULO

Omukulu gwonale okwa tile: "Waa pandula noyaka." Otse aaNangalo otatu pandula unenenene kune aaMbaye, sho mwe tu kwatha iimaliwa omolu etungo lyongerki yetu.

- a) Aakwanegongalo R 10. 00
- b) Omuhona H. Adrian R 5. 00

Kumwe R 15. 00

Iiyaloo! Kalunga netu hanganihileni miikwagulu. "Ihe Kalunga ta vulu oku mu indjipalithila esilohenda kehe, mu kale mu na miinima ayihe aluhe ashihe shoka mwe shi pumbwa, mu ninge aayamba yiilonga ayihe iwanawa." 2Kor.9:8.)

Peha lyegongalo,

G. Amupolo.

OMUXUNGU WEEDULA 180 OKWA FYA

Moshifo "Suidwes Afrikaner she-ti-21/3/67 okwa hokololwa kutya: Omuxungu omulaule omulumenhu, a li needula di li po 170 ile 180, okwa fya moshilando Arua moubangalanhuninginino waUganda.

Oye **Ozekeli Arenze**, a kala mu-Uganda fimbo inamu uya omutilyane naumwe. Eshi a shashwa omudo 1965, okwa efa okunwa oikolwifa nomakaya. Cvakulukadi vaye vonale ova fya nale koukulupe. Fimbo a li needula 80, okwa hombola vali olutitano. Ovana ovafya koukulupe. Ou munini kuvakwao aveshe oku na paife eedula 71, osho sha hokololwa.

Daniel Imalua, Elim ota ti: Penduka! Ou wete tu eke ndyoka tali ulike ondjila? Oohapu dhaKalunga odho eke tali ulike ondjila komuntu kehe e li kombanda yevi. Ondjila ngele yomupya nenge yelago. Muuyelee woohapu dhaKalunga oondjila ndhika itadhi dhimbakanithwa. Oohapu dhaKalunga ihadhi lundululwa kethimbo epu nenge kethimbo edhigu, kenyanu nenge kuugeyi, keso nenge komwenyo. Iinima mbika ngele tayi adha omuntu na dhimbulukwe kutya, oohapu dhaKalunga odho eudho lya gwana muupu nomuudhigu. Ino dhimbwa shoka shi li mudho. Omuntu kehe niikonakone yemwene a tale nkene e li noohapu dhaKalunga nethimbo ndika. Kondja ano muuyelee woohapu dhaKalunga sigo opehulilo. Eimbi-lo mEhangano 150.